

Namzningz Daihroek Gaiq Vwnzyi Daihcomzyienj Cungjgezsa Haimuq

南宁第六届文艺大展演总决赛拉开序幕

9 nyied 6 hauh, Namzningz Si daihroek gaiq yanghcunh segih doxhuz vwnzyi daihcomzyienj cingqsik haimuq, ciengz daih' it dwg yienhgih, gaihfaizgih cuj diuqfoux yienjheiq doxdax, ciengz doxdax neix ndei yawj raixcaix.

Ciuq cam rox, 26 aen cezmuz ndaej senj haeuj haenx, dwg gak yienhgih, gaihfaizgih gagsij cezmuz, gag bien gag yienj, faenbied yienh' ok gij vwnzva mbouj doengz dieg caeuq daegsaek minzcuz. Ndawde, Sanglinz Yen diuqfoux cezmuz 《Ngaizbakranz Mwngz Daeuj Mbouj Daeuj》, cungfaen yienh-ok ngaizbakranz daegsaek minzsuz hozdung Sanglinz Yen, hawj gij ciengzggingi ngaizbakranz, ciengzmienh gyoengqvunz angqhoh doenggvaq diuqfoux dungcoz yienj okdaeuj. Cawz gij diuqfoux cezmuz miz daegsaek minzcuz le, lij miz gij diuqfoux cezmuz aeu "gyong" "gaeuvaiz" guh daezcaiz dem.

(Dangz Ciuhyen/唐秋艳)



▲ Diuqfoux Sanglinz ngaizbakranz.



▲ Cezmuz Majsanh Yen byaij ok Byadayauzsanh.

Sanhgyangh: Dung' yangh Ciet Maxdoxdik Yinx Hekyouz

三江：侗乡斗马节引客来

9 nyied 3 hauh, Sanhgyangh Duncuz Swciyen gawjbanh gaiq daih' it ciet maxdoxdik, ca mbouj geijlai miz 30 duz max daj Liujcouh, Yungzsuij daengj dieg daeuj haenx youq Sanhgyangh Dung' yangh ciengzdoxdax rongzroeg doxdax sam ngoenz, yinx ndaej haujlai hekyouz daeuj yawjngonz.

Gaenh geij bi neix daeuj, Sanhgyangh "ngoenzngoenz yienj naenghhwnz, aen' aen singgeiz gwn ngaizbakranz, ndwenndwen gvaq ciet minzsuz", haenqrengz laebguh Guengjsae yienh okmingz daegsaek lijyouz caeuq daengx guek yienh byauhcuinj sifan lijyouz, bineix 1 daengz 7 nyied, daengx yienh gungh ciepdaih hekyouz 267.9 fanh vunzbaez, lijyouz cungjsouhaeuj 17.33 ik maenz.

(Gungh Bujangh/龚普康)



▲ Song duz max cingq doxdik.

Gunghcwngz:

Beixnuengx Yauzcuz Laeb Lijyouz Gunghsw

恭城：瑶族同胞成立旅游公司



Mboengqneix, Gunghcwngz Yauzcuz Swciyen Gvanhyinh Yang Suijbinh Cunh Sizbingz Yauzcaix beixnuengx cungfaen yungh ndei swhyenz swngghdai fungfouq dangdieg caeuq fungsug Yauzcuz daegsaek, daengx mbanj 50 lai hoh ok cienz 200 lai fanh maenz laeb lijyouz gunghsw, mboujdanh hawj hekyouz yawj gij gingjsaek gyaundeix, youh ndaej daejniemh fungchcingz Yauzcuz yenzswngghdai, hawj hekyouz bae ranz nungzhoh gwn youq, yinx ndaej haujlai hekyouz ndaw gih rog gih daeuj daejniemh youzcet.

(Liengz Veih/梁辉 Maj Sufaz/马树发)

◀ Lijyouz gunghsw guh ceiz hawj boubhek gwn.

Lozcwngz: Haihag Dangz Goq Daih' it Hwnj Gwzming Conzdungj Gyauyuz

罗城：开学第一课上革命传统教育

9 nyied 2 hauh, Lozcwngz Mulaujcuz Swciyen Dughmwnz Cin Cungsim Siujyoz cujcz haiguh cawjdaez dwg "haihag dangz goq daih' it" gyauyuz hozdung, doenggvaq swng guekgeiz, ciengq guekgo, gangi dingjhoenx lizsij, baijcuengq dingjhoenx senhconz banjbau daengj lai cungj yienghsik, doiq gyoengq hagseng guh le baez gyaez guek cuji caeuq gwzming conzdungj gyauyuz he, vanzlij yungzhaeuj hagdangz vwnzva, fatyienz cingsaenz dingjhoenx hungmbwk, caenh' itboubh gikfat gyoengq hagseng ndatcingz gyaez guek caeuq ceiqheiq bauqaen guekgya.

(Liu Gvanghfuz/廖光福)



▲ Lauxsae cujcz hagseng yawj dingjhoenx senhconz banjbau.